

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), članova 67., 68. i 69. Pravilnika o knjigovodstvu budžeta u Federaciji Bosne i Hercegovine ("Službene novine Federacije BiH", broj 60/14) i člana 10. stav (1) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe („Službene novine Zeničko-dobojskog kantona“, broj: 20/20 i 14/21), na prijedlog Ministarstva finansija, Vlada Zeničko-dobojskog kantona, na 6. Sjednici, održanoj dana 11.12.2023. godine, d o n o s i

ODLUKU

o redovnom godišnjem popisu imovine, obaveza i potraživanja Zeničko-dobojskog kantona na dan 31.12.2023. godine

Član 1.

(Predmet)

Sa stanjem na dan 31.12.2023. godine obaviti će se redovni godišnji popis:

- a) Stalnih sredstava u obliku stvari, prava i razgraničenja,
- b) Novčanih sredstava, donatorskih sredstava, plemenitih metala i vrijednosnih papira,
- c) Potraživanja i plasmana, kratkoročnih i dugoročnih obaveza, razgraničenja i kapitala,
- d) Zaliha materijala, robe i sitnog inventara.

Član 2.

(Organizacija popisa)

Organizacijom popisa rukovodi Centralna popisna komisija Zeničko-dobojskog kantona.

Član 3.

(Popisne komisije)

Za provođenje popisa imenuju se, pored Centralne popisne komisije Zeničko-dobojskog kantona i sljedeće popisne komisije:

- a) Centralna popisna komisija Ministarstva unutrašnjih poslova i Uprave policije Ministarstva unutrašnjih poslova za redovan popis imovine, obaveza i potraživanja sa stanjem na dan 31.12.2023. godine,
- b) Centralna popisna komisija Ministarstva za pravosuđe i upravu za redovan popis imovine, obaveza i potraživanja sa stanjem na dan 31.12.2023. godine,
- c) Centralna popisna komisija Ministarstva za obrazovanje, nauku, kulturu i sport za redovan popis imovine, obaveza i potraživanja sa stanjem na dan 31.12.2023. godine,
- d) Centralna popisna komisija kantonalnih organa uprave, upravnih organizacija i službi za redovan popis imovine, obaveza i potraživanja sa stanjem na dan 31.12.2023. godine,
- e) Komisija za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, razgraničenja i kapitala Zeničko-dobojskog kantona sa stanjem na dan 31.12.2023. godine,
- f) Komisija za popis roba u skladištima Zeničko-dobojskog kantona na dan 31.12.2023. godine,
- g) Komisije za popis imovine, obaveza i potraživanja sa stanjem na dan 31.12.2023. godine kod kantonalnih organa uprave, upravnih organizacija i službi,
- h) Komisije za popis imovine, obaveza i potraživanja sa stanjem na dan 31.12.2023. godine kod budžetskih korisnika Ministarstva za pravosuđe i upravu i Ministarstva za

obrazovanje, nauku, kulturu i sport.

Član 4.

(Koordinacija rada popisnih komisija i izvještavanje)

(1) Centralna popisna komisija Zeničko-dobojskog kantona koordinira rad popisnih komisija iz člana 3. tačka a), b), c), d), e) i f) ove odluke, komisijama iz tačke g) koordinira Centralna popisna komisija kantonalnih organa uprave, upravnih organizacija i službi, a komisijama za popis iz tačke h) koordiniraju Centralna popisna komisija Ministarstva za pravosuđe i upravu i Centralna popisna komisija Ministarstva za obrazovanje, nauku, kulturu i sport.

(2) Centralne popisne komisije iz stava (1) ovog člana provjeravaju da li su sačinjeni planovi rada sa rokovima za obavljanje pojedinih faza popisa, te poduzimaju potrebne mjere da se popis završi u roku i kvalitetno.

(3) Po završenom popisu centralne popisne komisije preuzimaju izvještaje, popisne liste i druge priloge od popisnih komisija budžetskih korisnika, prilikom preuzimanja sa rukovodiocima budžetskih korisnika i predsjednicima pojedinačnih popisnih komisija vrše provjeru da li je izvršeno usklađivanje stvarnog stanja sa knjigovodstvenim i donose odgovarajuće odluke i tek nakon toga sačinjavaju Izvještaj o popisu sa rekapitulacijom, te isti dostavljaju Centralnoj popisnoj komisiji Zeničko-dobojskog kantona, koja sačinjava Elaborat o popisu i dostavlja Vladi Zeničko-dobojskog kantona na donošenje.

Član 5.

(Zadaci komisija)

Konkretni zadaci komisija iz člana 3. tačka a), b), c), d), e) i f) ove odluke sa rokovima početka i završetka popisa određuje se rješenjima o imenovanju komisija koje donosi Vlada Kantona.

Član 6.

(Imenovanje komisija)

Komisije iz člana 3. tačka g) i h) ove odluke imenuju svojim rješenjima rukovodioci budžetskih korisnika.

Član 7.

(Naknada za rad u komisijama)

(1) Predsjednicima i članovima popisnih komisija za obavljene poslove popisa na dan 31.12.2023. godine, isplatiće se jednokratna neto naknada u iznosima kako slijedi:

- a) Predsjedniku i članovima Centralne popisne komisije Zeničko-dobojskog kantona, i to predsjedniku 400,00 KM i članovima po 250,00 KM,
- b) Predsjednicima i članovima Centralne popisne komisije MUP-a, Centralne popisne komisije Ministarstva za pravosuđe i upravu, Centralne popisne komisije Ministarstva za obrazovanje, nauku, kulturu i sport, Centralne popisne komisije kantonalnih organa uprave, upravnih organizacija i službi, i to predsjednicima po 250,00 KM i članovima po 200,00 KM,
- c) Komisija za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, razgraničenja i kapitala Zeničko-dobojskog kantona, i to predsjednicima po 200,00 KM i članovima po 150,00 KM,
- d) Komisije za popis roba u skladištima Zeničko-dobojskog kantona, i to predsjednicima po 150,00 KM i članovima po 100,00 KM,
- e) Predsjednicima i članovima pojedinačnih popisnih komisija kantonalnih organa uprave, upravnih organizacija i službi, i to predsjednicima po 150,00 KM i članovima po 100,00 KM,
- f) Predsjednicima i članovima pojedinačnih popisnih komisija kod budžetskih korisnika

Ministarstva za pravosuđe i upravu i Ministarstva za obrazovanje, nauku, kulturu i sport, i to predsjednicima po 150,00 KM i članovima po 100,00 KM.

(2) Naknade za rad popisnih komisija teretit će sljedeće pozicije budžeta:

- a) razdjel 17, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Zeničko-dobojskog kantona, Centralnu popisnu komisiju kantonalnih organa uprave, upravnih organizacija i službi, Komisiju za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, razgraničenja i kapitala Zeničko-dobojskog kantona i Komisiju za popis roba u skladištima Zeničko-dobojskog kantona,
- b) razdjel 15, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva unutrašnjih poslova i Uprave policije Ministarstva unutrašnjih poslova,
- c) razdjel 16, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva za pravosuđe i upravu,
- d) razdjel 22, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva za obrazovanje, nauku, kulturu i sport,
- e) za naknadu predsjednicima i članovima popisnih komisija kod kantonalnih organa uprave, upravnih organizacija i službi odgovarajući razdjel organa uprave/ upravne organizacije/ službe, ekonomski kod 613900 – Ugovorene i druge posebne usluge, a na osnovu rješenja ministara, direktora odnosno drugih rukovodioca kantonalnih uprava, upravnih organizacija ili službi,
- f) za naknadu predsjednicima i članovima popisnih komisija kod budžetskih korisnika Ministarstva za pravosuđe i upravu i Ministarstva za obrazovanje, nauku, kulturu i sport teretiti odgovarajući razdjel budžetskog korisnika, ekonomski kod 613900 – Ugovorene i druge posebne usluge, a na osnovu rješenja rukovodioca budžetskog korisnika.

Član 8.

(Realizacija isplate naknada za rad u komisijama)

(1) Za realizaciju isplate naknada predsjednicima i članovima centralnih popisnih komisija zadužuje se Ministarstvo finansija, Ministarstvo unutrašnjih poslova, Ministarstvo za pravosuđe i upravu i Ministarstvo za obrazovanje, nauku, kulturu i sport.

(2) Za realizaciju isplate naknada predsjednicima i članovima pojedinačnih popisnih komisija zadužuje se odgovarajući budžetski korisnik, na osnovu rješenja rukovodioca budžetskog korisnika.

(3) Svi članovi centralnih i pojedinačnih popisnih komisija dužni su, prilikom isplate naknade voditi računa o ograničenjima maksimalnog mjesečnog iznosa neto naknada po svim osnovama, nezavisno od broja angažmana u svim komisija u toku jednog mjeseca, utvrđenim članom 10. stav (1) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe.

Član 9.

(Materijali za rad)

(1) Nabavku potrebnog materijala za rad Centralne popisne komisije Zeničko-dobojskog kantona i popisnih komisija iz tačke d), e), f) i g) člana 3. ove odluke izvršit će Služba za zajedničke poslove Zeničko-dobojskog kantona.

(2) Knjigovodstvene popisne liste i potrebnu stručnu pomoć za rad komisija obezbjedit će

Ministarstvo finansija.

Član 10.
(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-30-18437/23

Datum, 11.12.2023. godine

Z e n i c a

Nezir Pivić

DOSTAVLJENO:

- 1x Ministarstvo finansija,
- 1x Svim ministarstvima i drugim tijelima kantonalne uprave,
- 1x Budžetskim korisnicima putem resornih ministarstava,
- 1x Predsjedniku Centralne popisne komisije Zeničko-dobojskog kantona,
putem Ministarstva finansija
- 1x Predsjednicima popisnih komisija iz tačke a), b), c), d), e) i f) člana 3. odluke,
putem Ministarstva finansija,
- 1x Službi za zajedničke poslove,
- 1x „Službene novine Zeničko-dobojskog kantona“,
- 1x a/a.